

AD QVODLIBETARIAM

QVÆSTIO MEDICA

MATVTINIS EXCVTIENDA DISPVATIONIBVS IN SCHOLIS

Medicorum die Martis 14. Ianuarij, D. Nicolao Ellain doctore Medico, moderatore.

An solus sanguis alimentum vltimum?



RIPPLICIS nostræ substantiæ fluor perennis, eiusdem refarciendæ necessitatem inuexit: spirituosæ aëre, humida potu, solida cibo, nulla tamen eadem, reparatur: horum vsus ad vitæ munia tuenda est necessarius: spiritus quippe totus euanesceret, nisi tam cerebri & cordis inspiratione, quam omnium partium transpiratu simili substantiâ restitueretur: enimuero tanta est respirationis necessitas, vt pisces sine eâ non uiuant. Seruus barbarus respiratione sponte cohibita interiit. Coraelius Rufus voluntariâ quatriidui à cibo potuque abstinentiâ decessit: illinc apoplexia eodem die, hinc inedia septimo lethalis.



ER inspiratione haustus primam in pulmone elaborationem sumit, diligenter elaboratus in sinistram cordis sinum arripitur, & interioris spiritus sit pabulum conueniens. Potus non in pulmones per asperam arteriam affatim illapsus, sed ab ore per stomachum attractus, vt ad humidi instauracionem est necessarius, ita confert ad concoctionem, & cibi distributionem. Qui eadem atrahente facultate à ventriculo allicitur, illicque totâ suâ substantiâ mutatur, non putredine, sed coctione, veteremque naturam exiit in aliam transiens speciem. Cibus, qui experimento potius, quam ratione, constat, quò debilior est, eò verius præstat alimentum.



ALIMENTVM aliud nutriturum, aliud quasi nutriens, aliud nutrit. Remota potentiâ nutriunt, quæcunque nostræ substantiæ possunt assimilari, ad quam quò propius accedunt, eò melius nutriunt: quæ ab illâ longissimè distant, alimenta non sunt, vt meralla. Alimentum quasi nutriens est dulce, cuiusmodi sanguis, & ros per carnem dispersus generationis nostræ principiis finitimus. Id demum propriè nutrit, quod in nostram substantiam est commutatum.



VT coctionis, sic materiæ ad triplex illud alimentum idoneæ, tres sunt gradus: cibus ventriculo ad præparandum, chylus iecori ad aquationem, sanguis ad ipsam & ad singulas partes suppeditatur, qui solus calidus humidus & dulcis: ex eo copioso & laudabili materia: ex paucò à Soga: ex malo & xgria, cui hæc succedit. Proinde natura sanguinem sibi familiarem studiosè conseruat, & in vniuersum omnium postremum finit effluere.



VENÆ, in quibus caloris tepore sanguis non conseruatur, cum per vniuersum corpus deferunt ad omnium partium nutritionem. Neque ex solis vasorum oculis, verum etiam per quæque venarum foramina alimentum illabitur in carnem, aliâque particulas: & quæ inter venas media interponuntur spatia, etsi ductus non habeant in se directos, alimentum tamen ex sanguine suscipiunt copiosum. Vnde fit vt ex quâcunque parte punctâ sanguis effluat. At ventriculus sanguine nutritur, non chylo, cuius conficiendi nulla in fœtu opportunitas: in quo principium alimenti per abdomen umbilicus. Quin etiam ossa nutriuntur solo sanguine, à quo recedunt intervallo longiore.

Ergo solus sanguis alimentum vltimum.

Ponebat SIMON LE TELLIER, Meduntanus Carnutensis. anno 1597.

DOMINI DOCTORES DISPVATVRI.

M. Petrus Paulmier.
M. Petrus Ponson
M. Anthonius Quiquebeuf.

M. Iacobus d'Amboyse Med. Reg.
M. Iacobus Cousinot.
M. Petrus Seguin Prof. Reg.

M. Michaël Marefcot. Med. Reg.
M. Ludouicus Thibaut.
M. Albertus le Febure. Med. Reg.

